

cken belagert wurde / vierzig Mann mit Rüstungen / wie sie es begehren würden / zu schicken. (g)

(a) *Ex communicat. Famil.* (b) *Archiv. Stat. Austr. num. 1966.* (c) *Ibi num. 2092.* (d) *Ibi num. 2388.* (e) *Ibi num. 2486.* (f) *Ibi num. 2568.* (g) *Chron. Civ. Steyer pag. 664.*

CAPUT LXVIII.  
EQUITES AUERI.

**A**Ueri de Herenkirchen Equites ex vetustis Austriae inquilinis fuerunt, suamq; in Parochiali templo in urbe Austriae à thermis salubribus Baden appellata, sepulturam olim habuerunt, nunc autem gens mutatis laribus in Franconia prope Coburgum domicilium constituit. Conradus Auer ab Ulrico Dechsenbeck, qui Florenos mille ab Uxore sua Anna Henrici & Johannis Hausmanniorum Sorore mutuas acceperat, & Sigismundus de Niederthor Tyrolensis Anno 1493. in testimonium vocati sunt. (a) Florianus Auer, Dorotheam à Kleinberg sive Kremberg cujus Germanam Christophorus Dominus de Toppel in thorum adsciverat, in matrimonio Anno 1502. habuit. (b) Idem Florianus Auer, Arbiter compromissarius laudum super negotio quodam Anno 1504. pronuntiavit. (c) Franciscus, Gervveck, Dominicus, Maximilianus & Erasmus Aueri de Herenkirchen castrum suum Neudorff Wolffgango Karlingero, Nobili Viro Anno 1525. pretio tradiderunt. (d) Julius Comes de Hardeck de feudis quibusdam Tieboldum Auer Castellatum suum Comitatus Hardeccensis investituram dedit Anno 1536. (e) Gervveck Auer à Johanne Domino de Zinzendorff in documento de Anno 1545. allegatur. (f) Hiob & Philippus Fratres Aueri de Herenkirchen domum propriam Viennæ sitam Inclutis Austriae Statibus Anno 1573. vendiderunt. (g)

(a) *Archivum Statuum Austriae num. 3349. & 3354.* (b) *Ibi num. 3487.* (c) *Ibi num. 3523.* (d) *Ibi num. 3646.* (e) *Ibi num. 3702.* (f) *Ibi num. 3747.* (g) *Ibi num. 3781.*



AD-